



Deddf Ombwdsmon Gwasanaethau Cyhoeddus (Cymru) 2019

2019 dccc 3

RHAN 6 **E+W**

YMCHWILIADAU: ATODOL

Ymgynghori a chydweithredu

65 Ymgynghori a chydweithredu ag ombwdsmyr eraill **E+W**

- (1) Mae'r adran hon yn gymwys os yw'r Ombwdsmon, wrth wneud penderfyniad o dan adran 3(5), 4(3)(a), 43(8), 44(4)(a) neu wrth gynnal ymchwiliad o dan Ran 3 neu 5, yn dod i'r farn y gallai mater sy'n destun y gŵyn neu'r ymchwiliad fod yn destun ymchwiliad gan ombwdsmon a grybwyllir yn is-adran (7).
- (2) Rhaid i'r Ombwdsmon ymgynghori â'r ombwdsmon hwnnw am y mater.
- (3) Caiff yr Ombwdsmon gydweithredu â'r ombwdsmon hwnnw mewn perthynas â'r mater.
- (4) Caiff ymgynghoriad o dan is-adran (2), a chydweithrediad o dan is-adran (3), ymestyn i unrhyw beth sy'n ymwneud â mater sy'n destun y gŵyn neu'r ymchwiliad, gan gynnwys (ymhlith pethau eraill)—
 - (a) cynnal ymchwiliad i'r gŵyn, a
 - (b) ffurf, cynnwys a chyhoeddiad adroddiad yr ymchwiliad.
- (5) Os yw'r Ombwdsmon yn ymgynghori ag ombwdsmon am fater o dan is-adran (2), caiff yr Ombwdsmon a'r ombwdsmon hwnnw—
 - (a) cynnal ymchwiliad ar y cyd i'r mater,
 - (b) paratoi adroddiad ar y cyd mewn perthynas â'r ymchwiliad, ac
 - (c) cyhoeddi'r adroddiad ar y cyd.

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (6) Nid yw is-adran (5) yn gymwys os mai'r ombwdsman yr ymgynghorir ag ef o dan is-adran (2) yw Ombwdsmon Gwasanaethau Cyhoeddus yr Alban.
- (7) Yr ombwdsmyrn y cyfeirir atynt yn is-adran (1) yw—
- y Comisiynydd Seneddol dros Weinyddiaeth;
 - Comisiynydd Gwasanaeth Iechyd Lloegr;
 - Comisiynydd Lleol;
 - Ombwdsmon Gwasanaethau Cyhoeddus yr Alban;
 - ombwdsmon tai a benodwyd yn unol â chynllun a gymeradwywyd o dan adran 51 o [Ddeddf Tai 1996 \(p.52\)](#).
- (8) Caiff Gweinidogion Cymru drwy reoliadau ddiwygio is-adran (7) drwy—
- ychwanegu person,
 - hepgor person, neu
 - newid y disgrifiad o berson.
- (9) Caiff rheoliadau o dan is-adran (8) ychwanegu person at is-adran (7) dim ond os oes gan y person, ym marn Gweinidogion Cymru, swyddogaethau sy'n ymwneud ag ymchwilio i gwynion.
- (10) Ni chaniateir gwneud rheoliadau o dan is-adran (8) oni bai bod drafft o'r offeryn statudol sy'n cynnwys y rheoliadau wedi ei osod gerbron y Cynulliad, ac wedi ei gymeradwyo drwy benderfyniad ganddo.

Gwybodaeth Cychwyn

- I1** A. 65 ddim mewn grym ar y Cydsyniad Brenhinol, gweler [a. 77\(1\)](#)
- I2** A. 65 mewn grym ar 23.7.2019 gan [O.S. 2019/1096](#), [rhl. 2](#)

66 Cydweithio â phersonau a bennir **E+W**

- (1) Mae'r adran hon yn gymwys os yw'n ymddangos i'r Ombwdsmon—
- bod mater y mae gan yr Ombwdsmon hawl i ymchwilio iddo, a
 - bod y mater yn un a allai hefyd fod yn destun ymchwiliad gan berson a bennir yn is-adran (2) (“person a bennir”).
- (2) Mae'r canlynol yn bersonau a bennir—
- Comisiynydd Plant Cymru;
 - Comisiynydd Pobl Hŷn Cymru;
 - Comisiynydd Cenedlaethau'r Dyfodol Cymru;
 - Comisiynydd y Gymraeg;
 - pan fo'r mater yn ymwneud ag iechyd neu ofal cymdeithasol, Gweinidogion Cymru.
- (3) Yn ddarostyngedig i is-adran (4), pan fo'r Ombwdsmon o'r farn bod hynny'n briodol, rhaid i'r Ombwdsmon—
- rhoi gwybod i'r person a bennir perthnasol am y mater, a
 - ymgyngori â'r person a bennir mewn perthynas ag ef.
- (4) Pan fo'r Ombwdsmon yn ymchwilio i'r mater o dan adran 4 neu 44, rhaid i'r Ombwdsmon—

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (a) rhoi gwybod i'r person a bennir perthnasol am y mater, a
 - (b) pan fo'r Ombwdsmon o'r farn bod hynny'n briodol, ymgynghori â'r person a bennir mewn perthynas ag ef.
- (5) Pan fo'r Ombwdsmon yn ymgynghori â pherson a bennir o dan yr adran hon, caiff yr Ombwdsmon a'r person a bennir—
- (a) cydweithredu â'i gilydd mewn perthynas â'r mater,
 - (b) cynnal ymchwiliad ar y cyd i'r mater, ac
 - (c) paratoi a chyhoeddi adroddiad ar y cyd mewn perthynas â'r ymchwiliad.
- (6) Caiff Gweinidogion Cymru drwy reoliadau ddiwygio is-adran (2) drwy—
- (a) ychwanegu person a bennir at y rhestr neu ei ddileu o'r rhestr, neu
 - (b) amrywio cyfeiriad at fath neu ddisgrifiad o berson a bennir a gynhwysir am y tro yn yr is-adran honno.
- (7) Ni chaniateir gwneud rheoliadau o dan is-adran (6) oni bai bod drafft o'r offeryn statudol sy'n cynnwys y rheoliadau wedi ei osod gerbron y Cynulliad, ac wedi ei gymeradwyo drwy benderfyniad ganddo.

Gwybodaeth Cychwyn

- I3** A. 66 ddim mewn grym ar y Cydsyniad Brenhinol, gweler **a. 77(1)**
- I4** A. 66 mewn grym ar 23.7.2019 gan **O.S. 2019/1096, rhl. 2**

67 Cydlafurio â Chomisiynwyr **E+W**

- (1) Mae'r adran hon yn gymwys os yw'n ymddangos i'r Ombwdsmon bod—
- (a) cwyn, neu
 - (b) mater y mae'r Ombwdsmon yn ystyried ymchwilio iddo o dan adran 4 neu 44, yn ymwneud â mater, neu'n codi mater, a allai fod yn destun ymchwiliad gan Gomisiynydd Plant Cymru, Comisiynydd Pobl Hŷn Cymru neu Gomisiynydd y Gymraeg (y "mater cysylltiedig").
- (2) Os yw'r Ombwdsmon o'r farn bod hynny'n briodol, rhaid i'r Ombwdsmon roi gwybod i'r Comisiynydd perthnasol am y mater cysylltiedig.
- (3) Os yw'r Ombwdsmon o'r farn bod y mater yn fater y mae gan yr Ombwdsmon hawl i gynnal ymchwiliad iddo (y "mater Ombwdsmon"), rhaid i'r Ombwdsmon hefyd, os yw'r Ombwdsmon o'r farn bod hynny'n briodol—
- (a) rhoi gwybod i'r Comisiynydd perthnasol am gynigion yr Ombwdsmon ar gyfer cynnal ymchwiliad, a
 - (b) ymgynghori â'r Comisiynydd perthnasol am y cynigion hynny.
- (4) Os yw'r Ombwdsmon a'r Comisiynydd perthnasol o'r farn bod ganddynt hawl i ymchwilio, yn y drefn honno, y mater Ombwdsmon a'r mater cysylltiedig, caniateir iddynt—
- (a) cydweithredu â'i gilydd yn yr ymchwiliad ar wahân i bob un o'r materion hynny,
 - (b) gweithredu gyda'i gilydd wrth ymchwilio i'r materion hynny, ac
 - (c) paratoi a chyhoeddi adroddiad ar y cyd sy'n cynnwys eu casgliadau unigol o ran y materion y maent ill dau wedi ymchwilio iddynt.

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (5) Os yw'r Ombwdsmon o'r farn—
- nad yw'r mater yn un y mae gan yr Ombwdsmon hawl i gynnal ymchwiliad iddo, a
 - ei bod yn briodol gwneud hynny,
- rhaid i'r Ombwdsmon roi gwybod i'r person a gychwynnodd y gŵyn (os oes un) ynghylch sut i atgyfeirio'r mater cysylltiedig at y Comisiynydd perthnasol.

Gwybodaeth Cychwyn

- I5** A. 67 ddim mewn grym ar y Cydsyniad Brenhinol, gweler **a. 77(1)**
I6 A. 67 mewn grym ar 23.7.2019 gan **O.S. 2019/1096, rhl. 2**

68 Gweithio gydag Archwilydd Cyffredinol Cymru **E+W**

- (1) Os yw'r Ombwdsmon o'r farn bod hynny'n briodol, rhaid i'r Ombwdsmon—
- rhoi gwybod i Archwilydd Cyffredinol Cymru am gynigion yr Ombwdsmon ar gyfer cynnal ymchwiliad, a
 - ymgyngori ag Archwilydd Cyffredinol Cymru ynghylch y dull mwyaf effeithiol o gynnal ymchwiliad.
- (2) Os yw'r Ombwdsmon yn ymgynghori ag Archwilydd Cyffredinol Cymru o dan yr adran hon, caiff yr Ombwdsmon ac Archwilydd Cyffredinol Cymru—
- cydweithredu â'i gilydd mewn perthynas â'r mater y mae'r ymchwiliad yn ymwneud ag ef,
 - cynnal ymchwiliad ar y cyd i'r mater, ac
 - paratoi a chyhoeddi adroddiad ar y cyd mewn perthynas â'r ymchwiliad.

Gwybodaeth Cychwyn

- I7** A. 68 ddim mewn grym ar y Cydsyniad Brenhinol, gweler **a. 77(1)**
I8 A. 68 mewn grym ar 23.7.2019 gan **O.S. 2019/1096, rhl. 2**

Datgelu

69 Datgelu gwybodaeth **E+W**

- (1) Yr wybodaeth y mae'r adran hon yn gymwys iddi yw—
- gwybodaeth y mae'r Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon, yn ei chael i gyflawni swyddogaethau'r Ombwdsmon—
 - wrth benderfynu pa un ai i gychwyn ymchwiliad,
 - yn ystod ymchwiliad,
 - wrth ddatrys mater o dan adran 6 neu 46, neu
 - mewn cysylltiad â hysbysiad a gafwyd o dan adran 26 neu 57;
 - gwybodaeth a gafwyd gan ombwdsmon a grybwyllir yn adran 65(7) yn rhinwedd unrhyw ddarpariaeth yn adran 65 neu ddarpariaeth gyfatebol mewn deddfiad sy'n ymwneud ag unrhyw un neu ragor o'r ombwdsmon hynny;

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (c) gwybodaeth a gafwyd gan berson a bennir yn adran 66(2) yn rhinwedd unrhyw ddarpariaeth yn adran 66 neu 67 neu ddarpariaeth gyfatebol mewn deddfiad sy'n ymwneud ag unrhyw un neu ragor o'r personau hynny a bennir;
 - (d) gwybodaeth a gafwyd gan Archwilydd Cyffredinol Cymru yn rhinwedd adran 68 o'r Ddeddf hon neu adran 29A o [Ddeddf Archwilio Cyhoeddus \(Cymru\) 2013 \(dccc 3\)](#);
 - (e) gwybodaeth a gafwyd gan y Comisiynydd Gwybodaeth yn rhinwedd adran 76 o [Ddeddf Rhyddid Gwybodaeth 2000 \(p.36\)](#) (datgeliad rhwng y Comisiynydd Gwybodaeth ac ombwdsmy).
- (2) Ni chaniateir datgelu'r wybodaeth ac eithrio—
- (a) at ddibenion penderfynu pa un ai i gychwyn ymchwiliad;
 - (b) at ddibenion ymchwiliad;
 - (c) at ddiben unrhyw un neu ragor o swyddogaethau Archwilydd Cyffredinol Cymru;
 - (d) at ddibenion datrys cwyn o dan adran 6 neu 46;
 - (e) at ddibenion datganiad neu adroddiad a wneir mewn perthynas â chwyn neu ymchwiliad;
 - (f) at ddibenion unrhyw ddarpariaeth yn adran 65, 66, 67 neu 68;
 - ^{F1}(g) at ddibenion achosion llys ar gyfer—
 - (i) trosedd o dan [Ddeddfau Cyfrinachau Swyddogol 1911 \(p.28\)](#) i [1989 \(p.6\)](#) yr honnir iddi gael ei chyflawni gan yr Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni unrhyw un neu ragor o swyddogaethau'r Ombwdsmon;
 - (ii) trosedd o dyngu anudon yr honnir iddi gael ei chyflawni yn ystod ymchwiliad;
 - (h) at ddibenion ymchwiliad gyda golwg ar gychwyn yr achosion llys a grybwyllir ym mharagraff (g);
 - (i) at ddibenion achosion llys o dan adran 20 neu 54;
 - (j) yn achos gwybodaeth i'r perwyl bod person yn debygol o fod yn fygythiad i iechyd neu ddiogelwch un neu ragor o bersonau, i unrhyw berson y mae'r Ombwdsmon yn credu y dylid ei datgelu er budd y cyhoedd;
 - (k) yn achos gwybodaeth y mae is-adran (3) yn gymwys iddi, i'r Comisiynydd Gwybodaeth;
 - (l) at ddibenion swyddogaethau'r Ombwdsmon o dan Benodau 3 a 4 o Ran 3 o [Ddeddf Llywodraeth Leol 2000 \(p.22\)](#).
- (3) Mae'r is-adran hon yn gymwys i wybodaeth os yw'n ymddangos i'r Ombwdsmon ei bod yn ymwneud â'r canlynol—
- (a) mater y gallai'r Comisiynydd Gwybodaeth, mewn perthynas ag ef, arfer pŵer a roddir mewn deddfiad a grybwyllir yn is-adran (4), neu
 - (b) cyflawni trosedd a grybwyllir yn is-adran (6).
- (4) Y deddfiadau yw—
- (a) adrannau 142 i 154, 160 i 164 neu 174 i 176 o [Ddeddf Diogelu Data 2018 \(p.12\)](#) (darpariaethau penodol yn ymwneud â gorfodi), neu Atodlen 15 i'r Ddeddf honno;
 - (b) adran 48 o [Ddeddf Rhyddid Gwybodaeth 2000 \(p.36\)](#) (argymhellion arfer);
 - (c) Rhan 4 o'r Ddeddf honno.

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (5) Mae is-adran (4)(a) yn cael effaith fel pe bai'r materion y mae'n cyfeirio atynt yn cynnwys mater y gallai'r Comisiynydd Gwybodaeth arfer, mewn perthynas ag ef, bŵer a roddir gan ddarpariaeth yn Rhan 5 o [Ddeddf Diogelu Data 1998 \(p.29\)](#), fel y mae'n cael effaith yn rhinwedd Atodlen 20 i [Ddeddf Diogelu Data 2018 \(p.12\)](#).
- (6) Y troseddau yw'r rhai o dan—
- darpariaeth yn [Neddf Diogelu Data 2018 \(p.12\)](#) heblaw paragraff 15 o Atodlen 15 i'r Ddeddf honno (rhwystro gweithredu gwarant);
 - adran 77 o [Ddeddf Rhyddid Gwybodaeth 2000 \(p.36\)](#) (y drosedd o newid etc cofnodion gyda'r bwriad o atal datgelu).
- (7) Ni chaniateir galw unrhyw berson i roi tystiolaeth mewn unrhyw achos llys (heblaw achosion a grybwyllir yn is-adran (2)) o wybodaeth a gafwyd gan y person hwnnw fel y crybwyllir yn is-adran (1)(a) neu (b).

Diwygiadau Testunol

- F1** [A. 69\(2\)\(g\)](#): testun wedi'i ddiwygio (20.12.2023) gan [The National Security Act 2023 \(Consequential Amendments of Primary Legislation\) Regulations 2023 \(O.S. 2023/1386\)](#), rhl. 1(2), [Atod. para. 32](#)

Gwybodaeth Cychwyn

- I9** [A. 69](#) ddim mewn grym ar y Cydsyniad Brenhinol, gweler [a. 77\(1\)](#)
- I10** [A. 69](#) mewn grym ar 23.7.2019 gan [O.S. 2019/1096](#), [rhl. 2](#)

70 Datgeliad niweidiol i ddiogelwch Gwladol neu yn groes i fudd y cyhoedd **E+W**

- (1) Caiff Gweinidog y Goron roi hysbysiad i'r Ombwdsmon o ran—
- unrhyw ddogfen neu wybodaeth a bennir yn yr hysbysiad, neu
 - unrhyw ddogfen neu wybodaeth a bennir felly,
- y byddai datgelu'r ddogfen neu'r wybodaeth honno, neu ddogfennau neu wybodaeth o'r un dosbarth, ym marn y Gweinidog, yn niweidiol i ddiogelwch Gwladol neu fel arall yn groes i fudd y cyhoedd.
- (2) Os cyflwynir hysbysiad o dan is-adran (1), nid oes dim yn y Ddeddf hon i'w ddehongli mewn modd sy'n awdurdodi neu'n ei gwneud yn ofynnol i'r Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni swyddogaethau'r Ombwdsmon, ddatgelu i unrhyw berson neu at unrhyw ddiben unrhyw ddogfen neu wybodaeth, neu ddogfen neu wybodaeth, a bennir yn yr hysbysiad.

Gwybodaeth Cychwyn

- I11** [A. 70](#) ddim mewn grym ar y Cydsyniad Brenhinol, gweler [a. 77\(1\)](#)
- I12** [A. 70](#) mewn grym ar 23.7.2019 gan [O.S. 2019/1096](#), [rhl. 2](#)

71 Diogelu rhag hawliadau difenwi **E+W**

- (1) At ddibenion y gyfraith ar ddifenwi, mae'r canlynol yn gwbl freintiedig—
- cyhoeddi mater, wrth gyflawni unrhyw un neu ragor o swyddogaethau'r Ombwdsmon o dan y Ddeddf hon, gan yr Ombwdsmon, aelod o staff

Newidiadau i ddeddfwriaeth: Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni unrhyw un neu ragor o swyddogaethau'r Ombwdsmon;
- (b) cyhoeddi mater gan berson wrth gyflawni swyddogaethau o dan—
- (i) adran 24;
 - (ii) adran 24 fel y'i haddasir gan adran 25;
 - (iii) adrannau 24 a 25 yn yr un modd ag y maent yn gymwys i adroddiadau arbennig (gweler adran 29(6));
- (c) cyhoeddi mater mewn cysylltiad â chwyn neu ymchwiliad, mewn cyfathrebiadau rhwng—
- (i) awdurdod rhestredig, aelod neu aelod cyfetholedig o awdurdod rhestredig, swyddog neu aelod o staff awdurdod rhestredig neu berson arall sy'n gweithredu ar ran awdurdod rhestredig neu'n ei gynorthwyo i gyflawni unrhyw un neu ragor o'i swyddogaethau, a
 - (ii) yr Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni unrhyw un neu ragor o swyddogaethau'r Ombwdsmon;
- (d) cyhoeddi mater mewn cysylltiad â chwyn neu ymchwiliad, mewn cyfathrebiadau rhwng—
- (i) darparwr cartref gofal, darparwr gofal cartref neu ddarparwr gofal lliniarol annibynnol, swyddog neu aelod o staff darparwr o'r fath neu berson arall sy'n gweithredu ar ran darparwr o'r fath neu'n ei gynorthwyo i gyflawni unrhyw un neu ragor o'i swyddogaethau, a
 - (ii) yr Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni unrhyw un neu ragor o swyddogaethau'r Ombwdsmon;
- (e) cyhoeddi mater mewn cysylltiad â chwyn neu ymchwiliad, mewn cyfathrebiadau rhwng person ac Aelod Cynulliad;
- (f) cyhoeddi mater mewn cysylltiad â chwyn a wnaed neu a atgyfeiriwyd (neu sydd i'w gwneud neu ei hatgyfeirio) gan berson neu ar ran person at yr Ombwdsmon o dan y Ddeddf hon, mewn cyfathrebiadau rhwng—
- (i) y person, a
 - (ii) yr Ombwdsmon, aelod o staff yr Ombwdsmon neu berson arall sy'n gweithredu ar ran yr Ombwdsmon neu'n cynorthwyo'r Ombwdsmon i gyflawni unrhyw un neu ragor o swyddogaethau'r Ombwdsmon.
- (2) At ddibenion is-adran (1)(d)(i) mae person yn swyddog i ddarparwr os oes gan y person reolaeth dros ddarparwr nad yw'n unigolyn neu faterion darparwr o'r fath, neu os yw'r person yn rheoli darparwr nad yw'n unigolyn neu faterion darparwr o'r fath.
- (3) Yn yr adran hon, mae cyfeiriad at faterion sy'n ymwneud ag ymchwiliad yn cynnwys materion sy'n ymwneud â phenderfyniad yr Ombwdsmon pa un ai i ymchwilio ai peidio.

Gwybodaeth Cychwyn

I13 A. 71 ddim mewn grym ar y Cydsyniad Brenhinol, gweler [a. 77\(1\)](#)

I14 A. 71 mewn grym ar 23.7.2019 gan [O.S. 2019/1096](#), [rhl. 2](#)

Newidiadau i ddeddfwriaeth:

Deddf Ombwdsmon Gwasanaethau Cyhoeddus (Cymru) 2019, RHAN 6 yn gyfredol gyda'r holl newidiadau y gwyddys eu bod mewn grym ar neu cyn 04 Medi 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau.

[View outstanding changes](#)

Changes and effects yet to be applied to the whole Act associated Parts and Chapters:

- Act modified by [2023 asc 3 Sch. 2 para. 6](#)
- Act modified by [2023 asc 3 Sch. 12 para. 7\(2\)](#)

Whole provisions yet to be inserted into this Act (including any effects on those provisions):

- s. 65(7)(f) inserted by [2022 c. 30 Sch. 10 para. 6\(2\)\(a\)](#) (Welsh language text)
- s. 65(7)(f) inserted by [2022 c. 30 Sch. 10 para. 6\(2\)\(b\)](#) (English language text)